



過年

阮兜躡佇較偏僻的庄跤，規个庄頭惹透透，干焦一間籤仔店兼咧賣早頓。這間店仔細間罔細間，逐項都有咧賣。尤其若到過年的時陣，這間籤仔店袂輸是集會所，庄裡的人攏會來遮款年貨。平常時仔恬靜的庄仔頭，隨變甲鬧熱滾滾。

阮過年進前愛先大摒掃，阿母講，掃地掃壁角，洗面洗耳空，叫阮袂使若胡蠅舞屎柢，著愛掃予澈底。阮阿媽會炊一大床的菜頭粿，啊若發粿是阮爸仔咧負責的。今仔炊好的時，我恰阿兄兩個枵鬼囡仔會先偷偷仔食幾喙仔。毋是我咧欺雞胗，真正好食甲通人都呵咾。

阿媽恰阿母閣會款一大桌的腥臊拜公媽，祈求祖先保庇阮一家大細平安、順序。啊若阮兜的團圓飯食煞，阮囡仔人等欲領紅包，序大人一个一个叫來講好話，向望阮乖巧閣勢讀冊。阮提著紅包喙嘛足甜的，逐項攏嘛無問題。會記得有一冬，我嘛想欲學大人分紅包，我做一個籤袋予逐家抽，內面有的是「十箍」、「二十箍」、嘛有「多謝照顧」，較濟的是「紅包愛加倍」，予人笑我厚面皮，實在足好耍的。阮兜過年的時陣，雖然無咧耍牌仔、拍麻雀，毋過逐家開講、泡茶、講笑談，全款足鬧熱的。

啊若二九暝十一點過，阿姑、阿兄恰我負責拜拜請財神。柑仔食完，柑仔皮愛擲佇每一間房間的壁角。閣來，逐間房間攏愛點一葩細葩電火，講是欲迎接財神入來厝內。厝裡拜完，阮就果子掙咧，做伙去隔壁庄的大廟拜拜。去到遐，廟埕的人已經實捅捅，個攏是咧等開廟門欲搶頭香的。逐擺廟門一下開開，規陣人相挨相映從入去廟內，手裡的香有的用插的、有的用射的。一下無張持，阿姑的裘仔去予香燂一空，有夠毋甘。彼个場面雖然有淡薄仔恐怖，毋過真正心適閣趣味。

廟裡逐冬攏會發福袋，內面貯一箍、兩箍的銀角仔恰一個號碼。這個號碼愛保存一冬，明年閣來的時，廟裡會公開抽獎，上大獎是一身細身金仔做的媽祖。抽著的人誠福氣，因為伊會帶來好運，保庇你萬事攏如意。

作者：A-lîng

☆詞彙學習☆

【籤仔店】kám-á-tiàm：雜貨店。販賣日常零星用品的店鋪。

【款】khuánn：整理。

【掃地掃壁角，洗面洗耳空】Sàu-tè sàu piah-kak, sé-bīn sé hīnn-khang：比喻做事要澈底，不應只做表面工夫。

【胡蠅舞屎柢】Hôo-sîn bú sái-pue：譏笑人貽笑大方的舞弄。

【床】sng：計算蒸籠層數的單位。

【欺雞胗】pûn-ke-kui/pûn-kue-kui：吹牛、說大話。說話浮誇不實。

【腥臊】tshenn-tshau/tshe-tshau：指菜色豐盛。

【「實」捅捅】tsát：裝滿、塞滿的樣子。

【相挨相映】

sio-e-sio-kheh/sann-ue-sann-khueh：摩肩接踵。指人多且擁擠的樣子。

【燂】tshuh：被燃燒中的煙頭或香頭燙到。